

56 Զանգի ո՞ արդեալք զերկայնամիտն եւ զանցասումն Աստուած դրդուեալ՝ յայնպիսի ահաւոր շարժեաց ի բարկութիւն,- ածել ջրհեղեղն ի վերայ ամենայն երեսաց երկրի, մինչեւ զամենայն ծածկել զլերինս։ ո՞չ ապաքէն բորբոքեալքն¹ ի պոռնկութիւն։ 57 *Տեսեալ, ասէ, որդւոցն Աստուծոյ զդստերս մարդկան՝ խառնակեցան ընդ նոսա՞ր։* 58 Յաղագս որո՞յ իրիք համարեցաւ այնպէս մեծ արդարութիւն Ահարոնեան Փենեհեզի² ազգէ յազգ մինչեւ յաւիտեան՝ եթէ ոչ յաղագս հարկանելոյ գեղարդեամբն եւ ցցելոյ ընդ գետինն զԶամբրի՝ հանդերձ Մադիանացի բոզին, եւ ցածուցանելոյ զբարկութիւնն Աստուծոյ։ 59 *Յորո՞ւմ պատուհասի քսան եւ չորք հազարք արանց ի միում աւուր³ անկան ի ժողովրդենէն Տեառն^ա։* 60 Ամոն ո՞չ ապաքէն վասն անհանճար խաւսիցն⁴ բազմաժամանակեայ քինակալութեամբ սպանաւ յեղբարէն։

61 Կամիցի⁵ն⁵ զսոցուն անդստին ի Մովսիսագիր պատմութենէն եւ յայլոց մարգարէից լսել զհակառակսն։ հայեսցի՞ն ընդ առաջին ճանապարհ հարցն ապաշխարութեան։ 62 - Այրն Աստուծոյ Ենովք, ընդ ամուսնացեալսն արինաւորութեամբ եւ գտեալ հաճոյ Աստուծոյ՝ յանմահական փոխեցաւ վիճակն։ 63 Նոյ բազմաժամանակեայ⁷ պահելով զկուսութիւն մինչեւ ի հինգ հարիւր ամ, եւ զկնի այսորիկ յաղագս որդեծնութեան ամուսնացեալ սրբութեամբ՝ երկրորդ աշխարհիս սերելոյ⁸ գտաւ պատճառ։ 64 Ըստ սմին եւ մեծն ի մարգարէս Մովսէս։ սոյնպէս եւ պաշտանեայ նորին, պարկեշտասեր կուսութեամբ պատուեալն Յեսու։ 65 Իսկ զարմանալի զառնէն զԵղիայ⁹ն ո՞րք բաւական իցէ ասել բանիւ զգովութիւն, որ ի մարմնի զանմարմնոցն բերելով զբաղաբավարութիւն՝ հրեղէն կառաւք ի հոգեղէնսն վերացաւ ի կեանս։ 66 Իսկ եթէ ի Զրիստոսատուր շնորհէն զսոցունց բաղձայցեն զնմանս՝ զխստագոյնս գտցեն եւ զգարհուրելիս։ որ զքնաւ գործելոցն մեկուսի ընկեցեալ զմեղանշականութիւնս¹⁰, եւ զլոկ ի պատճառս¹¹ տենչից 1՝հա-

1 SS. բորբոքեալն

Դ. Ծն. 2 2

2 ԲԳտ. Փենեհիզի

3 SS. ի միում պատերազմի

ա Յմմտ. Ա Կոր. Ժ 8:

4 2. անճար խաւսիցն

5 SS. կամիցի՞ն

6 2. լսես... ընդ յառաջին

7 2. բազում ժամանակեայ

8 2. սերելոյ

9 Ատ. զԵղիայէ

10 ԲԳտ. մեղանշականութիւնս

11 SS. զպատճառս